


Kylla ka trok Tanker ha 10mer, mynsaw jur u nongniah, dheng kali da ki kynta



Ka Trok Tanker kaba la kynta ha ka surokbah ha 10mer ha ka thaini Jorabad.(Dur:Mawphor)

Nongpoh, Rymphang 20: Uwei u Dribar ka Trok Tanker u la mynsaw jur, kaba dei hadien ba mynta ka sngi ka Trok Tanker kaba u niah ka la kynta ha 10mer, Jorbat ba ha ha ka surok National Highway-2, ka surok khappud ka Assam bad Meghalaya ha Ri Bhoi District.

Kane ka trok kaba la kynta ka don ia u number NL

01 AF – 3480 ka wan na ka thaini Jorobat ban leit sha Guwhati bad hadien ba la poi ha katei ka jaka ha 10mer ka kynta noh ha ka surokbah, kaba mar pyrshah bad ka NRL Petrol Pump.

Ia une u Dribar ba ym pat ioh lum kyrteng, la pyntit noh mar mar sha Sonapur District Hospital, kaba dei hadien ka jingmysaw na ka jingkylla katei ka trok kaba

u la niah.

Na ka liang ki bor pulit ka Assam na Jorobat, ki la shim khia ban pynlong ia ka jingtohkit bad ruh ban pynlait na ka jingdheng kali ba la sahkut da ki kynta, kaba la pynthud ia ka leit ka wan ki kali paidbah, kaba dei hadien ka jingkylla kane ka Trok tanker ha ka surokbah ba leit ba wan ki Kali paidbah.

Iano ki paidbah ki mon ban phah sha JHADC na ki 19 tylli ki Constituency ka WJH

Jowai, Rymphang 19: Ka 21 tarik u Rymphang, 2025 (Friday) ka dei ka sngi ba khadduh ia ki paidbah nongshong shnong ka West Jaiñtia Hills District ban jied ia ki 19 ngut ki nongmih mihkhmat MDC napoh kane ka District ban leit shapoh iing dorbar thaw aih jong ka Jaiñtia Hills Autonomous District Council (JHADC).

Napdeng kine ki 72 ngut ki kyrtong ki ban iakhun na ki 19 tylli ki Constituency hapoh ka West Jaiñtia iano ki paidbah ki mon ban phah kum ki MDC sha JHADC bad ia ka result yn sa pynbna ha ka 24 tarik kaba dei ka sngi niefew vote.

Ki kyrtong ki ban iakhun na War-East ki long NPP- Wonly L. Chyrmang, VPP- Isaak Shylla, UDP- Medling M Swer, War-Central: NPP Holando Lamin, VPP Jamshaphrang

Na Mynso-Nongjingi: NPP Evening Star Teron, VPP Kong Laiawanlang Jinghuh Khynriam, INC Richard Sing Lyngdoh, INC Carebasius Pasi, Mynsgat-Khanduli: NPP Pheishwa Nangleiñ, VPP Kong Darapbiang Mulieh, UDP Damian S. War, Shilliang Myntang: NPP Rudaioo Tang, VPP Daeimi Liam, UDP Eleazer C. Dkhar, Barato-Mukroh: NPP Aiborlang Shadap, VPP Sarlangki Dkhar, INC Kong Banikas Laban, UDP Rioo Sten, Saphai-Sahnsiang: NPP Remdorkupar Lyngdoh, VPP Thiyovan Lapadsam, INC Rikut Parein, UDP Fernando Sumer, Mowkaiaw: NPP Wormanship Shadap, VPP Rimiki Niang, INC Pynbiangmi Laloo, UDP Winning Garland Sungoh, IND Niawbait Ymbon,



Raliang: NPP Bison Ray Welpard Suchiang, Shangpung: NPP Mihnyngkong Sutnga, VPP Hame Shaniah Suaiam, INC J. Treilang Suchiang, UDP Fernando Sumer, Nangbah-Mihmyntdu: NPP Tellme Phawa, VPP Cresutus Sungsui, UDP Meiwon Pasi, IND Brightstar Chyrmang, Jowai-North: NPP Dr. Dachehlak Isniaw Kjam, VPP Awhai Andrew Shullai, UDP Marki Mulieh, IND

Khroo Lamsalanki Pariat, Jowai-South: NPP K. Dikylsingh Phawa, VPP Iaibatlang Talang, INC Saron Paswet, BJP Heimonmitre Phawa bad IND Moonlight Pariat.

Katto katne tylli ki Constituency la ioh jingtip ba ka jingiaikhun kan dei leit hapdeng ka NPP, VPP, IND Brightstar Chyrmang, Jowai-North: NPP Dr. Dachehlak Isniaw Kjam, VPP Awhai Andrew Shullai, UDP Marki Mulieh, IND

Da ka workshop halor ka jingkylla ka suiñbneng pynlong ka UK KEW

Shillong, Rymphang 20: Ka UK-India Knowledge Exchange Workshop (UK KEW) halor ka kam kaba don nongrim ha ka AI kaba iadei bad ka jingkylla ka suiñbneng kaba pynlong da ka British High Commission ha ka jingiatreilang bad ka IIM Shillong bad ka Sorkar Meghalaya, ka la wanrah lang ia ki riwshemphang, ki nongthaw polisi bad ki nongwad bniah na India bad ka UK.

Kane ka prokram kaba ar sngi ka la long ka rynsan ban peit ia ki jingpynbeit lyngba ka AI kiba thmu ban pynbeit ia ki jingeh kiba iadei bad ka mariang bad ka jingpynbha ia ki polisi na ka bynta ka jingpeit ia ka mariang ha ka rukom kaba iaineh.

Ha ka jingai jingkren, u Andrew Fleming, British Deputy High Commissioner sha ka thaini mihngi bad ka thaini shateilam mihngi jong

ka India u la ong, "kane ka UK-India Knowledge Exchange halor ka kam kaba don nongrim ha ka AI kaba iadei bad ka mariang ka dei ka sienjam kaba heh ban pynkhlañ ia ki kam jong ka Meghalaya kaba iadei bad ka mariang da kaba wanrah ia ka jingbit na UK ban kyntiew ia ka jingstad science kaba iadei bad ka mariang ha ryngkat jingtip ba bniah jong ka India shaphang kane ka thaini. Ngi lah ban wanrah lang ia ki jingpynbeit ban iada ia ka imlang sahlang bad ia id sha ka lawei net zero. Kane ka jingiatreilang ka long ka jingprat lynti na ka bynta ki jingiatreilang ha ki por ban wan ha ki jingsaifidur thymmai kiba iadei bad ka mariang bad ka jingiañeh."

Lyngba ka jingiatreilang jong ki jaka treikam kum ka UK Met Office, University College London, University of Ox-

ford, kane ka workshop ka la pynkhlañ ia ka jingkut jingmut lang ban pyndonkam ia ki jingpynbeit da ka AI na ka bynta ki jingkylla kiba iadei bad ka mariang.

Ha ka jingai jingkren, u Prof. D P Goyal, Director ka IIM Shillong, u la ong ba ka AI kan pynkhlañ ia ki kam kiba iadei bad ka mariang lyngba ka jingtip kaba bniah bad ki simulation, ka ban iarap ia ki kam jong ngi na ka bynta ka jingiañeh kum ka jingtyngkai ia ka um, ka jingsam ia ka bording, bad ka jingpynndonkam ia ki jingdon jingem ha ka rukom kaba seisoah tam.

U Prof. Teidor Lyngdoh, Chair External Relations, IIM Shillong, u la pdiang burom ia ki kynrem ki lyndan bad u la ban jur halor ka jingkongsan ban pynkylla ia ki jingiamir jingmut sha ki kam ba seisoah. U la ban jur ba ki

jingiakren bad ki nongmihkhmat na UK ki pyni ia ka jingkongsan ban ioh ia ki jingseisoah, ka ban wanrah ia ki jingpynbeit lyngba ka AI ia ki jingeh kiba iadei bad ka mariang ha kine ki bnai ban wan.

U Joshua Bamford, Head of Tech and Innovation Team, British High Commission India, u la batai bniah shaphang ka UK-India Technology Security Initiative, kaba peit ia ki kam bapther bapther, ba kynthup ka AI, ha kaba baroh ar tylli ki Sorkar ki la kut jingmut ban wanrah ia ka UK-India Joint Centre for AI ka ban peit bniah ia ka jingkylla ka suiñbneng, ka jingiañeh, ka jingpynbiang pisa, ka jingshngaiñ ha ki kam cyber bad ka kam ai jingsumar. Ka workshop ka dei ka sienjam kaba heh ban buh ia ka nongrim kaba iadei bad ka jingkylla ka suiñbneng jong kane ka kam.

Ha ka jingai jingsngewnguh, ka Haimanti Poddar, Senior Climate and Energy Adviser, UKFCDO, Kolkata, ka la ong ba kane ka sienjam ka la sdang ha u Naitung 2024 kum ka jingiasam jingmut bad ka la kynta sha ka workshop kaba

U Dr. Albert Chiang, Officer on Special Duty, Meghalaya Basin Development Authority, u la ban jur halor ka jingma ha Meghalaya namar ka jingbym thikna ka por slap bad ka jingjulor ki tyllong um. U la ong ba ka jingpynbeit na ka liang ka Sorkar UK ka wan ha ka por kaba biang bad u la ong ba ka jingpynndonkam ia ka AI ban peit ia ka data jong kane ka thaini kan don ka bynta kaba heh ha ka jingpynkreh ia ka rukom treikam. U la ban jur ba ka jingiatreilang bad ki shnong kan long ka bynta kaba kongsan na ka bynta ka jingjop jong kane ka kam.

U Dr. Albert Chiang, Officer on Special Duty, Meghalaya Basin Development Authority, u la ban jur halor ka jingma ha Meghalaya namar ka jingbym thikna ka por slap bad ka jingjulor ki tyllong um. U la ong ba ka jingpynbeit na ka liang ka Sorkar UK ka wan ha ka por kaba biang bad u la ong ba ka jingpynndonkam ia ka AI ban peit ia ka data jong kane ka thaini kan don ka bynta kaba heh ha ka jingpynkreh ia ka rukom treikam. U la ban jur ba ka jingiatreilang bad ki shnong kan long ka bynta kaba kongsan na ka bynta ka jingjop jong kane ka kam.

seisoah kaba don ka jingiasam bynta na ki brief kiba don bynta ha kane ka kam na kylleng ka pyrthei ha IIM Shillong.

Ka workshop ka la don ki bynta teknikal halor ki kam kiba iadei bad ka suiñbneng ha ka thaini shateilammihngi, ki rukom treikam ba biang tam jong ka UK ha ka jingpynndonkam ia ka AI ban peit ia ki kam kiba iadei bad ka jingkylla ka suiñbneng, bad ki jingsaifidur thymmai jong ka India kiba iadei bad kane ka kam. Ki riwshemphang na ki kynhun kum ka tnad Environment Forest and Climate Change jong ka Sorkar India, ka tnad Earth Sciences jong ka Sorkar India, IIT Bombay, IIT Delhi, CUSAT, Meghalaya Basin Development Authority, NLU Meghalaya, Meghalaya Technology Park Society bad kiwei kiwei ki la ai jingmut ha kane ka jingialang.

Ka jingiatylli ka long kaba kongsan bha ha kane ka thaini shatei lammihngi, ong u Amit Shah

New Delhi Rymphang 20: U Myntri Kam Pohiing bad Cooperation jong ka sorkar pdeng, Amit Shah, u la iashim bynta ha ka prokram 'Unity Utsav - One Voice, One Nation' ba la pynlong da ka Assam Rifles ha New Delhi mynta ka sngi kum u kongsan. Bun ki kynrem ki lyndan ba kynthup ia u Director General of Assam Rifles ki la iadonlang ha kane ka jingialang.

Ha ka jingai jingkren jong u, u Myntri Kam Pohiing jong ka sorkar pdeng, Amit Shah u la ong ba ka kyntien jingiatylli ka long kaba kongsan bha ia ka thaini shatei lammihngi. La bun bun snem hadien ba la ioh ia ka jinglailuid, ka jaka ba bun jong ka thaini shatei lammihngi la pynjngai ha ka jingsngew bad ka jinglong na Delhi. U la ong ba u Myntri Rangbah duh Narendra Modi u la pynduh ia kane ka jingjngai hapdeng ka thaini shatei lammihngi bad ka Delhi lyngba ka lad jingpyniasoh. Mynta ka thaini shatei lammihngi kadei jong ka India baroh kawei bad ka India baroh kawei kadei jong ka thaini shatei lammihngi. U Shah u la ong ba ka sorkar Modi ka la kyntiew da ki spah ki lad mang tyngka na ka bynta ka thaini shatei lammihngi bad ka la ai palat 3-4 shah ka jingmang tyngka ia ka thaini shatei lammihngi. U la ong ba shuwa u 2027, yn pyniasoh ia baroh 8 tylli ki jylla ka thaini shatei lammihngi bad ka Delhi lyngba ka lynti rel bad liengsuñ.

U Myntri Kam Pohiing u la ong ba u Myntri Rangbah duh Modi u la kyntiew ia ka thaini shatei lammihngi ha kylleng ka ri kum ka Ashtalakshmi bad baroh 8 tylli ki jylla jong ka thaini ki don ka bor ban kyntiew ia ka ri ha man ka bynta. U la ong ba ki don bun ki lad na ka bynta ki samla jong ka thaini shatei lammihngi ha ka liang ka ioh ka kot, ka deiriti, ka jingshngaiñ, kam ialehkai bad jingwad bniah bad ka roi ka par. U la bynrap ba ka sorkar Modi ka la plie shibun ki lad ia ka thaini shatei lammihngi ha man ka kam, naduh ka kam jngohkai haduh ka teknoloji, kam ialehkai haduh kam haw haw, kam rep haduh ka jingseng kam lajog bad ki kam bank bad kam khañi pateng.

U Amit Shah u la ong palat 220 tylli ki kynhun tynrai bad palat 160 ki jaitbynriew riewlum kiba shong basah ha ka thaini shatei lammihngi, la kren palat 200 tylli ki jait ktien, ki don palat 50 tylli ki tamasa ba kyrpang ba ju rakhe bad palat 30 tylli ki jingshad tynrai bad palat 100 tylli ki jait bam ba don ha ka thaini. U la ong ba kane baroh kadei ka jingriewspah ka hiar pateng na ka bynta ka ri India baroh kawei, kaba sngewsarong ia la ka jong ka hiar pateng. U Shah u la ong ba ka India khlem ka thaini shatei lammihngi bad ka thaini shatei lammihngi khlem ka India kam long kaba pura.

U Myntri Kam Pohiing bad Cooperation jong ka sorkar pdeng u la ong ba ka phang pdeng jong ka tamasa North-East Unity kadei ka 'one voice, one nation'. U la ong ba ka ri jong ngi kadei ka jingiakhle lang shibun ki ktien, ki deiriti, ka bam bad ka riam ka leit bad kane ka jingiatylli



hapdeng ka jingiar kadei kaba kyrpang bad ka bor kaba khraw ia ka ri jong ngi. Lyngba ka Unity Utsav kaba 5 sngi, la pyni ia ka jingiatylli jong ka thaini shatei lammihngi ha Delhi. U Shah u la ong ba ka Assam Rifles kadei ka kynhun shipai kaba la rim tam jong ka ri bad la ithuh ia kane ka kynhun shipai kum ka 'Paralok jong ka thaini shatei lammihngi'. U la ong ba ka Assam Rifles ka don ka bynta ba kongsan ban pyllait ia ka thaini shatei lammihngi na ki jingeh ba bun. U la ong ba lyngba kane ka prokram, mynta ka Assam Rifles ka la jop ha ka jingpyni ia ka jingiatylli bad ka bor jong ka deiriti jong ka thaini shatei lammihngi sha ka ri baroh kawei bad ka pyrthei.

U Shah u la ong ba 212 tylli ki kynhun bad 1500 ngut ki samla pule ki la iashim bynta ha ki jingiakob ba iadei bad ki kam ialehkai ha kane ka prokram bad palat 150 ngut ki samla pule ki la iashim bynta ruh ha ki prokram deiriti. U la ong ba mynta bun ki khusnam la ioh rah da ka Manipur, kaba pyni ka jingkongsan jong ka kam ialehkai ha Manipur. U Shah u la ong da kaba buh jingmut ia ka jingpawnam ka kam ialehkai ha ka thaini shatei lammihngi, u Myntri Rangbah duh Narendra Modi u la rai ban plie ia ka sports university ba nyngkong jong ka ri ha Manipur.

U la ong ba ka kam ialehkai ia baroh, ka kam ialehkai na ka bynta ka jingpawnam ka la long ka rukom treikam na ka bynta ka jingkiek ka kam ialehkai ha India. U Myntri Kam Pohiing u la pynpaw ka jingngeit skhem ba ha u 2036, ka India kam pynlong ia ka lympong ialehkai Olympic, bad ka ri kan don ha ka top 10, bad ki jylla ka thaini shatei lammihngi kin don ka bynta ba kongsan ha kane ka jingjop.

U Myntri Kam Pohiing jong ka sorkar pdeng u la ong ba hapoh ka jingialam jong u Myntri Rangbah duh, Narendra Modi, ha ki 10 snem ba la leit, khamtam ha ki 5

snem ba la leit, ka la don ka jingkylla kaba kongsan ha ka jinglong ka shongsuk shongsaiñ ha ka thaini shatei lammihngi. U la ong ba ki jingjia iauksnam bad ki jingkhlad jong ki shipai ka la duna da 70 per cent bad ka jingkhlad ki riwpaibad da 85 per cent ha ka thaini shatei lammihngi. U Shah u la ong ba kane ka jingduna ha ki jingjia iauksnam ka pyni ba mynta ka don ka shongsuk shongsaiñ ha ka thaini shatei lammihngi bad ka juk ba thymmai jong ka roi ka par bad ka jingkiek ka deiriti ka la sdang.

U Amit Shah u la ong ba naduh u 2014, palat 10,500 ngut ki riwkiekng atiar ki la wan aiti ia ki tiar ialeh jong ki ha ka thaini shatei lammihngi bad la dep ban iasoi 12 tylli ki sosokular iasuk ha ka thaini hapdeng u snem 2019 bad 2024. U la ong ba ki la don bun ki jingiakajia hangne da ki phew snem, hynrei ka sorkar Modi ka la shim ar sienjam shakham bad pyni ia ki samla ba ki don shibun ki lad na ka bynta jong ki. U Myntri Kam Pohiing u la kyrpad ia ki samla kiba don bynta ha ki kam iauksnam ban pyniasoh noh bad ka imlang sahlang da kaba wan aiti ia ki tiar ialeh.

U Myntri Kam Pohiing bad Cooperation u la ong ba mynta, kam don kano kano ka bynta jong ka India ka bym khein ia ka thaini shatei lammihngi kum ka lajog, bad ka bym don kata ka jingieid ia ki brief jong kane ka thaini. U la ong ba ki brief jong man ka jylla ha ka ri ki don ka jaka ba kyrpang ia ki brief jong ka thaini shatei lammihngi ha ki mynsiem jong ki, bad man ka jylla ha ka thaini shatei lammihngi ruh kadei ban mih shakham bad nohsynniang sha ka roi ka par jong ka ri baroh kawei. U Shah u la ong ba ka thaini shatei lammihngi mynta ka kwah ia ka shongsuk shongsaiñ bad ka roi ka par bad kwah ban treikam kum ka bynta ba kongsan jong ka India.

Kut noh ka Inter State Youth Exchange prokram ka NYKS

Shillong, Rymphang 20: Ka Inter-State Youth Exchange Programme kaba san sngi kaba pynlong da ka Nehru Yuva Kendra Shillong bad kaba la wan iashim bynta ka kynhun na Mizoram ka la kut nohmynta ka sngi ha Youth Hostel Shillong.

Kane ka prokram kaba la sdang naduh ka 16 tarik u Rymphang ka la don ki bynta kiba iadei bad ka yoga, ka jingioh jinghikai shaphang ka ktien, ka jingiasam ia ka deiriti lyngba ka jingleit jngoh ia ki jaka ba kongsan ha ka histori bad ki jingpyni ia ka deiriti kaba la ai shibun kiei kiei ia ki nongiasam bynta.

Ha ka sngi pynkut, u Sibhi Chakravathy, Director ka tnad Community and Rural Development, jong ka Sorkar Meghalaya u la wan iashim bynta kum u kongsan. Ha ka jingai jingkren, u la iaroh ia ka NYKS kaba la pynlong ia

kum kine ki prokram, bad u la ong ba kine ki plie ia ki lad ia ki samla ban sngewthuh ia ka deititi bad ka rukom im jong kiwei kiwei ki jaitbynriew.

U la ban jur halor ka jingiatylli wat hapdeng ki jingiapher bad ka jingkongsan jong kum kine ki prokram ban wanrah ia ka jingsngewthuh kaba kham jylliew hapdeng ki jaitbynriew bapther bapther ha kylleng ka India kaba pynkhlañ ia kane ka jingiatylli. U la pynshur ruh ia ki samla ba kin wad lad dalade bad shim ia ki lad ba ki ioh lyngba kine ki jait prokram ba kin sngewthuh kham bha ia ki jingiapher bad ki jingiahap hapdeng ki jylla.

Kane ka prokram ka la wanrah lang ia ki samla na ki longiing bapther bapther, kaba la kyntiew ia ka jingburom iwei ia iwei bad ka jingsngewthuh ia ka deiriti bad kaba iarap bha ia ka jingiatylli ha ka ri.

Ba bteng na Sla 1

Mynta yn rai ki 13 lak ngut ki nongthep vote ia ka

ha JHADC.

Ki nongtrei Sorkar kiba la shah bynshet ban leit sha ki kamram pyniaid ia ka elekshon ha ki Polling Station bapther bapther jong ka KHADC bad JHADC khamtam ha ki Polling Station kiba don sha ki jaka ba kham jngai ka leit ka wan ki la mih lypa naduh ka sngi Balang. Sa shi kynhun kiwei pat ki la mih lypa naduh ka por mynstep jong ka sngi Palei ban poi sha ki Polling Station bapther bapther.

U Chief Secretary ka jylla Bah Donald P. Wahlang u la pyntip ba ka Sorkar ka la shong ia ka jingialang pyrkhata kam ban pynlong ia ka elekshon jong ki ar tylli ki Autonomous District Council (ADC) bad pyntip ruh ba u Chief Secretary jong ka Jylla Assam u la kular ban ai ka jingiatreilang ba kan ym don kano kano ka jingshah pynthud jong ki nongtrei Sorkar kiba leit sha ki kamram pyniaid elekshon.

U la pyntip ruh ba ka Sorkar ka la pynbiang ia ki bor pahara ha ki Polling Station ba la ithuh ba ki lah ban mih ki jingkulmar bad kumjuh ruh ha ki Polling Station kiba don ha ki shnong khappud jong ka jylla Assam bad ka ri Bangladesh khnang ban pynthikna ba ka jingthep vote kan long kaba ia id leit kumba la thmu.

U Chief Secretary u la kynt ia ki nongthep vote ba kin mih paidbah ha ka 21 tarik bad ban thep ia ka vote sha ki kyrtong katkum ka mon ka jong ki.

Ujor lai ngut ki kyrtong ba lah ban mih jingkulmar

kyrtong ki la kyrpad ia u Returning Officer ba un shimkhia ia kane ka jingujor na ka bynta ki lai tylli ki Polling Station, khnang ban lait na kino kino ki jingshah lehbor bad ka jingthep vote bad ban khmih ba kan long kaba ia idbeit ia id ryntih ha ka sngi thep vote ha ka sngi Thohtieng.

Kine ki kyrtong lai ngut ki kynthup ia u kyrtong ka Congress Bah Rikut Parien, u kyrtong ka UDP Bah Fernando Sumer bad u kyrtong ka VPP Bah Thiyovan Lapasam.